



ORANJESTAD(AAN)—
E cantante cu tin idea fuerte di bay cu e corona di rey di calypso e aña aki atrobe ta Lord Boxoe

Lord Boxoe: REY DI CALYPSO TA LORD BOXOE

Mescos cu na Curacao ta Boy Dap ta rey di tumba

Te ainda e no tin su calypso ni roadmarch cla pa e concurso, y durante reunion cu SAC e tabata sinta ta pone su composicion den otro.

"E cantantenan joven aki ta pensa cu nan mester di mas tempo, mientras cu 3 luna pasa caba nan tabata sa cu lo tin e concurso y ariba cual fecha. Nan tabata tin sufi-

ciente tempo pa prepara.

"Ata ami mes na e momento aki mi ta trata di hinca mi composicion den otro, pero mi sa tambe cu mi mester ta cla pa cierto fecha y no ta asunto di pidi pa mas tempo".

Awor cu a cambia e fecha, Lord Boxoe a laga sa na varios di e cantantenan: "Bosonan ta busca mas tempo, pero boso no

ta pensa cu esey ta fortificami, pasobra awor mi tambe tin mas tempo pa prepara mihor pa confronta boso".

Lord Boxoe ta viaja pa Sto. domingo e luna aki, y pesey lo no por a participa si e concurso a ser pone despues di dia 24 y e cantantenan kier a mira Lord Boxoe den e competencia y a acepta

e fecha di dia 23 pa por competi cune.

"Ta ami ta rey di calypso y rey di roadmarch na Aruba, mescos cu Boy Dap ta rey di tumba na Curacao, y esey mi lo demostra tambe dia 23 di e luna aki. Mihor boso bin bon, pasobra no ta mas bieuw mi ta bira, pero mihor mi ta bira cada aña cu pasa".

Elgin Juddan:

MUSICAL TIME TA PRESENTA CU CALIDAD Y NIVEL

ORANJESTAD(AAN)—
DIARIO a acerca Sr. Elgin Juddan pa su comentario relaciona cu declaracionnan di varios cantante di calypso, y el a laga sa cu mucho e no tin di bisa e otro nan.

"Scuchami bon. Musical TIME ta un agrupacion

cu ta presenta calidad y nivel. Nos cantantenan semper a cay den premiacion no solamente pasobra nan ta bon, pero tambe pa motibo cu nivel ta conta hopi, y e calidad di musica cu nos ta presenta".

El a splica cu e no mes-

ter sali na defensa di Mighty Talent cu ta rey di calypso y di roadmarch, pasobra henter pueblo di Aruba sa cu Claudius Philips ta presenta su composicionnan di nivel. "No ta pornada e ta logra conquista tur sorto di titulo na Aruba.

"Tuma Kaiso Teddy tambe. E semper a presenta calypso y roadmarch di nivel. E no a logra cay den premio grandi, pero e ta uno cu tur aña tur hende ta tene cuenta cune, y despues di e presentacion di dje di festival OTI mi ta sigur

cu e aña aki den concurso di calypso hopi bista lo ta ariba e cantante aki cu tambe ta bini cu TIME", Sr. Juddan a laga sa.

"E sorpresa tabata cu Singing Olivia ta participa toch, apesar di rumornan cu tabata circula cu e lo no ta participante. Nos semper a gusta mantene nos paña suishi den cas, di manera cu ta redo of rumor so lo por sali. Singing Olivia a demostra ultimo añanan cu e ta e Reina di calypso y Roadmarch na Aruba. Su show di aña pasa a

conquista curazon di tur hende atrobe y e aña aki e ta bin mihor ainda y cu un preparacion debido", segun lider di TIME.

"Nos no ta comenta ariba declaracion di e otro nan pasobra jaloers nan ta pa locual musical TIME ta bini cune tur aña.

Segun Elgin Juddan, TIME no ta bay pa gana cu Mighty Talent, Kaiso Teddy y Singing Olivia. TIME ta bay participa manera tur aña cu calidad nivel y cu bon show y ta laga jurado dicidi kendenan ta e mihor".



The Board of Directors
and

The Management of
CARIBBEAN MERCANTILE BANK N.V.
Request the pleasure of your company at a
Reception to honour our friend

BASILIO KELLY

On the occasion of his retiring from active
Duty after 48 successful years in banking and
His appointment as a member of the Board of
Directors of our bank

Place: Lower Ballroom of Americana Hotel
Date: Friday January 25th 1985
Time: 6.30 — 8.30 P.M.

Dress: Informal

Please consider this as a personal invitation

COMPETENCIA DI TUMBA LO TA SUMAMENTE FUERTE E AÑA AKI

ORANJESTAD(AAN)—
Den reunion cu a ser teni den seno di Asoma, Asociacion di Musiconan di Aruba, a keda dicidi cu lo pone SAC na altura pa la-

ga un banda e idea di eligi e aña aki un Rey di tumba y ademas di esey un Tumba di Aña.

A keda dicidi cu lo bini manera den pasado cu un Rey di Tumba, y cu e mes tumba ey lo ta e tumba di carnaval, pero cu e aña aki, lo eligi e tumba mas completo.

Esaki ta encera cu e cantante mester ta esun mihor, e composicion mester ta esun mihor y tambe e areglo mester ta esun di mihor.

Cu otro palabra, e Rey di tumba lo ta e ganador, y despues ta sigui e otro

ganadornan.

E compositor di e tumba ganador lo ta e ganador den composicion y despues ta sigui e otro nan y mescos ta bay pa e areglo.

E agrupacionnan a dicidi ariba esey pa mehora e nivel di tumbanan, y tur lo traha duro pa trece un tumba mas completo posible pa e anochi di concurso di tumba.

Esaki mes ora ta encera tambe cu lo no tin dos anochi di tumba, y e fecha stipula pa e concurso a keda dia prome di februari.



ODUBER AVIATION
jama 26975 of 23000